

## Saulės zuikis

Ėš dongaus aukštībiu ont žemės nokrėta saulės zuikis  
Ėr, atsėtūpės monėi šalėp kreivuos, ėlguos nuosės,  
Ont akiū so letėneliem ėšlepetiuojė geltuonas lėtaras.  
Tīlė – vėin lūpuom sošnabždiejau pavasarė šėlta varda.

Net nepajotau, kāp prasėvierė skombou dongaus vartā  
Ė vėituo debesū vėrš žemės platio muosto kluojuos  
Sparnoutu mintiū desants – angelās vadėnams...  
Ėšgėrdau, kāp ruojaus suodnūs tėlėndžioun varpelė.

Kraus ėš gīslu pru plīšelius sotekiejė i žemė tėisė,  
Vuo sostingosės kuojės nebvaliuojė žingsnė žėngtė.  
Karto so berželės atsėdūriau vėinuo žaliuo eilie,  
Vuo ėš mona ronkū pėrstū jiemė skleistėis lapā...

Ė sostuojė, žuodės nekvėists, akimirksnis žavingāsis.  
Vėiškelio nu gimtėnės posės palėngvelės atplevena  
Numīliets Velīku karalītės pranašos – debesielis.  
Alsavėma sotoriejau, kad nešbaidīčiau atgėmėma...